

PUOGAE YA MOPHATO 1

Amo o ya kwa ngakeng



SETSWANA

Maemo:

3

Buka

2



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele barutwana ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa
kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwé mo dibukeng tsa bona tsa dithutiso.


Amo o ya kwa ngakeng



Gompieno Amo o a Iwala.

Amo o a gotela.

O bolelela Bobo, thedibera ya
gagwe, "Ke a Iwala. Ke a gotela."





Mmaagwe Amo o isa Amo
kwa ngakeng. Mmaagwe
Amo o bolelela mooki gore
Amo o a lwala.

"Amo o gotela thata,"
ga bua mme.

Ka bonako ngaka
e bitsa Amo.





"Dumela Amo, o ikutlwa
jang?" ga botsa ngaka.

Amo o bolelela ngaka
gore o a lwala. Ngaka e
bua gore e tshwanetse
go tlhatlhoba Amo.







"Tlaya re bone gore o boima go le kanakang," ga bua ngaka.

"Go gontle, boima jwa gago ke dikilogeramo di le 25," ga bua ngaka.

"Tlaya re bone gore o moleele
go le kae," ga bua ngaka.

"O boleele jwa disentimitara
di le 125," ga bua ngaka.





Ngaka e utlwelala dimpa tsa
ga Amo.
Ga di botlhoko.



Ngaka e reetsa sehuba sa ga
Amo. Ga se botlhoko.



Ngaka e lebelela mo ditsebeng
tsa ga Amo. Ga di botlhoko.

Ngaka e lebelela molomo wa
ga Amo. Ga o botlhoko.




Ngaka e raya Amo e re, "O a
lwala. O tshwerwe ke sehuba. Ke
tshwanetse go go tlhaba lomao
mme ke go neye melemo."

Morago ngaka e tlhaba Amo
lomao, mme le botlhokonyana
"Itšhuuu!" ga lela Amo.



Itšhuuu!





Morago Amo o kopa ngaka go
thusa Bobo.

"Ngaka, Bobo le ena o a lwala,"
Amo o bolelela ngaka.

"Ooo Bobo, a o a lwala le wena?" ga
botsa ngaka.

Ngaka e reetsa mafatlha a ga
Bobo. Ga a botlhoko.

Morago ngaka e bofa leoto la ga
Bobo.

"Jaanong o tlaa ikutlwa o le
botoka," ngaka e bolelela Bobo.



Ngaka e naya Amo melemo e
mengwe. Amo o tshwanetse go
nwa leswana la tee la molemo
gararo ka letsatsi.

Gape o naya Amo lolipopo.


"O mosetsanyana wa
segatlhamelamasisi, Amo," ga
bua ngaka.

"Ke a leboga ngaka," ga bua Amo.

"Tsweetswē ngaka, a o ka se
fe Bobo lolipopo le ena?"

"Ooo ee!" ga bua ngaka.

"Bobo a ka nna a bona
dilolipopo di le pedi."



Ka moo o tshwanetseng
go tlhokomela thedibera
e e lwalang ka teng.

A thedibera ya gago
e a gotela? Naya
thedibera ya gago
melemo. Buisetsa
thedibera ya gago
kgang.



Baya thedibera ya gago
mo bolaong.

Naya thedibera ya gago
sopo.

Direla thedibera ya gago
karata ya o fole, o fole!

Tlamparela thedibera ya
gago.

Ditirwana tsa puiso ya ditlhophha



1

Lebelela ditshwantsho. Bolelela tsala ya gago gore ke setshwantsho sefe se se tshwanetseng go nna sa ntlha, sa bobedi, sa boraro le sa bone.

Tlotlela tsala ya gago kgang e o dirisa ditshwantsho.



2

Bua ka ga tse di latelang:

1. Setlhogo sa kgang e ke mang?
2. Ngaka e dirile eng mo go Amo?
3. Ngaka e dirile eng mo go Bobo?



3

Diragatsang kgang e.



4

Lebelela medumopuo e e mo lebokosong la ntliha.
Batla medumopuo e mengwe e e tshwanang le
yona mo meleng ya mafoko.

| | | | |
|------|---------|----------|------------|
| ts - | tsena | tsola | tsoma |
| tl - | tlala | tlola | tlaya |
| ph - | phala | phiri | photi |
| ng - | ngapa | ngena | ngongorega |
| -ng | tsenang | toropong | kgorong |



5

Tlatsa mongwe wa medumopuo e go feleletsa
mafoko gore a nyalane le setshwantsho:

-ng

tsh -

tsw -

| | | | |
|----------|-------------|----------|----------|
| | | | |
| lego____ | dijo__egare | tlha___a | hu_____e |



- 6 Batla dipolelo go tswa mo kgannyeng tse di
nang le matshwaopiso a a latelang mme
o di kwale mo bukeng ya gago ya dithutiso:
Khutlo . le letshwaopotsos ?



- 7 Lebelela setshwantsho.
Kwala dipolelo
di le 2 ka ga
setshwantsho.



- 8 Direla Amo karata ya "O fole, o fole".

Dumela Amo

O fole, o fole! ka bonako!

Go tswa go _____



Thala setshwantsho.

PUOGAE YA MOPHATO 1



Buka 2

| | |
|----------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Leina kana setlhogo: | Amo o ya kwa ngakeng |
| Puo: | Setswana |
| Maemo: | Padiso ya Puogae ya Mophato 2 Maemo 3 Buka 2 |
| Mofuta wa sekwalwa: | Kanelo |
| Mafoko a tlwaelo: | morago, nna, rona, ke, ena, naya, lwala, ditsebe, molomo, re, e |
| Tlotlofoko: | ngaka, tthatlhoba, lekanyetsa, dimpa, sehuba, lomao, molemo, mooki, reetsa, themphereitshara |
| Medumopuo: | th, ts, ng, ny, tlh, oo, ee |
| Diteng, mareo le bokgoni: | <ul style="list-style-type: none">▪ Tlhomaganya ditshwantsho mme o tlotle kgang gape.▪ Diragatsang kgang e.▪ Mafoko a a rumisanang.▪ Tatelano ya alefabete.▪ Matshwaopuiso (. ?).▪ Botsa o bo o araba dipotso.▪ Bua ka ga kgang (matseno, mmele, bokhutlo).▪ Kwala dipolelo di le 2 ka ga kgang.▪ Sedimosa dipolelo. |

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2645-1



ISBN 978-1-4315-2645-1



**THIS BOOK MAY NOT
BE SOLD.**



basic education


Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehibidu

Amo o ya kwa ngakeng

Toro ya ga Dudu